



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՈՒՐԴ

Ո Ր Ո Շ ՈՒ Մ

ՀՀ ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՐԴԻ 05.06.2015թ. ԹԻՎ 16/8-Լ ՈՐՈՇՄԱՄԲ ՀԱՍՏԱՏՎԱԾ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՐԴԻ ՆԻՍՏԵՐԻ ՎԱՐՄԱՆ ՆԵՐՔԻՆ ԸՆԹԱՑԱԿԱՐԳՈՒՄ» ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՀԱՐՑԸ ՔՆՆԱՐԿԵԼՈՒ ՄԱՍԻՆ

Հայաստանի Հանրապետության փաստաբանների պալատի (**այսուհետ՝ Պալատ**) խորհուրդը, մասնակցությամբ Պալատի խորհրդի նախագահ Արա Զոհրաբյանի, խորհրդի անդամներ՝ Կարապետ Աղաջանյանի, Հրանտ Անանյանի, Մելանյա Առուստամյանի, Սեդրակ Ասատրյանի, Տիգրան Խուրշուդյանի, Հարություն Հարությունյանի, Նելլի Հարությունյանի և Կարեն Մեծլումյանի, քննության առնելով Պալատի խորհրդի 05.06.2015թ. թիվ 16/8-Լ որոշմամբ հաստատված «Հայաստանի Հանրապետության փաստաբանների պալատի խորհրդի նիստերի վարման ներքին ընթացակարգում» (**այսուհետ՝ Ընթացակարգ**) փոփոխություններ և լրացումներ կատարելու մասին հարցը, ղեկավարվելով «Փաստաբանության մասին» Հայաստանի Հանրապետության օրենքի 10-րդ հոդվածի 5-րդ մասի 15-րդ կետի, «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասի, 2-րդ մասի 3-րդ կետի և 5-րդ մասի պահանջներով, միաձայն

Ո Ր Ո Շ Ե Ց

1. Ընթացակարգի **6.2. կետը** շարադրել հետևյալ խմբագրությամբ.
«6.2. Առցանց չի հեռարձակում՝
 - 1) խորհրդի դռնփակ նիստը.
 - 2) կարգապահական գործով խորհրդի նիստը, եթե կողմերը չեն տվել իրենց համաձայնությունը.
 - 3) անդամավճար չվճարելու կամ վերապարտաստման չմասնակցելու հիմքով քննվող կարգապահական գործով խորհրդի նիստը.
 - 4) խորհրդի խորհրդակցական (առանձին) սենյակում քննարկումը և քվեարկությունը:»:

2. Ընթացակարգի **6.3.** կետը շարադրել հետևյալ խմբագրությամբ.
«Խորհրդի դռնբաց նիստին ոչ փաստաբանի ներկայության հարցը լուծում է խորհուրդը՝ համապատասխան դիմումի կամ միջնորդության հիման վրա՝ դռնփակ կամ դռնբաց քվեարկությամբ, բացառությամբ Պալատի կանոնադրությամբ նախատեսված դեպքերի:»:

3. Ընթացակարգը լրացնել նոր **6.6.** կետով՝ հետևյալ բովանդակությամբ.
«6.6. Խորհրդի նիստին ներկա գտնվելու իրավունք ունեցող անձինք կարող են ձայնագրել նիստը՝ այդ մասին նախապես տեղեկացնելով խորհրդի նախագահողին:»:

4. Ընթացակարգը լրացնել նոր **6.7.** կետով՝ հետևյալ բովանդակությամբ.
«6.7. Խորհրդի նիստին ներկա գտնվելու իրավունք ունեցող անձը կարող է տեսաձայնագրել նիստը կողմերի համաձայնությամբ՝ խորհրդի որոշման հիման վրա:»:

5. Ընթացակարգը լրացնել նոր **6.8.** կետով՝ հետևյալ բովանդակությամբ.
«6.8. Խորհրդակցական սենյակում ձայնագրությունը կամ տեսաձայնագրությունն արգելվում է:»:

6. Ընթացակարգը լրացնել նոր **9-րդ գլխով** (9.1. և 9.2. կետերով)՝ հետևյալ բովանդակությամբ.

«9. ՓԱՍՏԱԲԱՆԻ ՎԱՐՔԱԳԾԻ ԿԱՆՈՆԱԳՐՔԻ ՊԱՐԶԱԲԱՆՈՒՄՆԵՐԸ

9.1. Խորհուրդը փաստաբանի դիմումի հիման վրա կարող է Փաստաբանի վարքագծի կանոնագրքի կանոնի վերաբերյալ տալ ոչ պաշտոնական պարզաբանում, որն ունի խորհրդատվական բնույթ:

9.2. Ոչ պաշտոնական պարզաբանում տալու մասին Խորհրդի որոշումը համարվում է ընդունված, եթե այդ որոշման ընդունման օգտին «կողմ» են քվեարկել Խորհրդի առնվազն 9 (ինը) անդամ:»:

7. Սահմանել, որ սույն որոշմամբ կատարված փոփոխություններն ուժի մեջ են մտնում հրապարակման պահից:

Հայաստանի Հանրապետության
 փաստաբանների պալատի
 խորհրդի նախագահ՝

Արա Զոհրաբյան

12 դեկտեմբերի 2017թ.
 թիվ 25/6-L
 ք. Երևան